

UPA R. LALHUAPZAUVA CHANCHIN

Pianni leh Kum	: 24 th October, 1944
Pianna hmun	: Vanchengpui
Upa a nemngheh kum	: 10 th October, 1971 ah Vanchengpui Kohhran Upa atan Pastor Lalchama'n Chhingchhip ah a nemnghet.
A Pa	: Upa R. Biakkunga (L)
A Nu	: Vaizingi (L)
A Nupui	: Ramengi
A Fate	: Lalzirliani <i>w/o</i> Laldosanga Ralte, Kulikawn West R. Lalrinengi R. Lalthakima <i>h/o</i> Lalnunpuii, Republic VT. R. Laldinpuia <i>h/o</i> V. Zonunpari, Republic VT.

Kum 1977-ah Vanchengpui atangin eizawna avangin Republic Vengah an pem a. KṮP Branch Committee member leh Group Leader te, Sunday School Zirtirtu hna te pawh a phak ang tawkin a chelh chho ve zel a. Kohhran mite duhsakna dawngin Ni 20 April 1986 khan Kohhran Committee member (Tual Upa) atan thlantlin niin, Ni 5 June 1986 aṭangin Kohhran Committee-ah a tel ṭan a ni. Kum 1986 Presbytery Inkhawmpui Bungkawn Kohhran Biakin-a neih ah palai a ni a, Inkhawmpui turin in aṭangin a chhuak a, Upa Lalthianghlima Republic veng te inah lutin nilengin a muzal a, khawmpui lama kalna chang a hre talo a ni. A ngaihna hrelo takin chungkua ten an buaipui a, Durtlang Synod Hospital a Doctor- ten an enkawl hnu chuan Stroke (khawsikpui thluaka lut)- a ni tih an ring a. Phai lama enkawl turin an refer-a. Christian Medical College Vellore-ah inenkawl turin an kal a, Pathian khawngaihna changin dam takin an lo haw leh a. Mahse, hemi hnu hi chuan ṭawnglamah leh hriatna lamah harsatna a neih tak avangin rawngbawlna a chelh chhonzawm thei ta meuhlo a ni.

Hetianga a awm chung pawh hian Pathian malsawmna dawngin, Kum 55 (1959 – 2013) chhung Mizo Sunday School Union hnuaiia chawllova Zirtirtu-a aṭan avangin '**Rawngbawlna Jubilee Certificate**' hlan a ni.